

HIERONYMUS.

¹ DEDAN, in tribu Juda.² DEDAN, in regione Idumææ super qua scribit Hieremias. Est autem in quarto milliario à Metallofeno contra Aquilonem.

DEDANIM. Vide infra DODANIM.

DELEAN, urbs in tribu Juda, Jos. xv. v. 38.

DELOS, una è Cycladibus insulis, in qua celebre olim Apollinis oraculum.

DENABA. Vide DAMNABA.

DERBE, urbs in Antiochiana Cappadociæ Ptolemæo. Lycaoniæ urbem facit Scriptura, Act. xiv. v. 6.

³ DESETH, quod Aquila translulit parietem: Symmachus murum.

DESSAU, castellum in Judæa, 2 Machab. xiv. v. 16.

⁴ DIBON, de qua supra, cujus meminit Isaias in visione contra Moab.

DIBON GAD. Vide DEBONGAD.

⁵ DIMONA, in tribu Juda.

DIOCÆSAREA. Vide infra SEPHORIS.

DIORYX, Ecclesiastici xxiv. v. 41. non est fluvii vel loci nomen proprium, sed est Græca vox significans fossam vel rivulum à fluvio deductum. Itaque fluvii Dioryx ibi est fossa hujusmodi, per quam aliò fluvii aqua derivatur, estque Dioryx nominativi casus. Hæc moneo, ne fortè quis imprudens fallatur existimans nomen esse proprium.

⁶ DIOSPOLIS, civitas Ægypti, sicut scribit Ezechiel.⁷ DISMEMOAB, id est, ad Occidentem Moab, juxta Jordanem contra Hierichum, ubi Balach Rex Moab, & Majores natu Madian Israël insidiis deceperunt, in quo

ΕΥΣΕΒΙΟΣ.

Δαλαάν, φυλῆς Ἰούδα.

Δαιδάν, ἐν τῇ Ἰδουμαίᾳ, ὡς Ἱερემίας. παράκειται τῇ Φαναί ὡς ἀπὸ σημείων δ', πρὸς βορρᾶν.

Δεσέκ, Ἀκύλας, τοίχω. Σύμμαχος, τείχει.

Δειβάν, μέμνηται ταύτης Ἡσαΐας ἐν ὁράσει κατὰ τῆς Μωαβίτιδος.

Δειμονά, φυλῆς Ἰούδα.

Διόσπολις, πόλις Αἰγύπτου, ἐν Γεζεχίλ.

Δυσμαμωάβ, παρὰ τὸν Ἰορδάνην κατὰ Γερίχων, ἔνθα Βαλὰχ βασιλεὺς Μωάβ, καὶ ἡ γεγενεσία Μωαβίων συνεσθάζονται τὸν Ἰσραὴλ. ἔνθα καὶ Μωυ-

EUSEBIUS.

DALAAN, tribus Juda.

DÆDAN, in Idumæa, ut (scribit) Hieremias. Sita est prope Phanam, ferme in quarto lapide versus Septentrionem.

DESEC, Aquila (vertit) pariete: Symmachus, muro.

DIBON, meminit hujus Isaias in visione contra Moabitidem.

DIMONA, tribus Juda.

DIOSPOLIS, civitas Ægypti, in Ezechiele.

DYSMÆMOAB, (i.e. ad occidentem Moab) ultra Jordanem contra Hiericho, ubi Balac rex Moab, & majores natu Madian Israël ex insidiis adoriuntur. Hic Moyses

NOTÆ.

Iadephia in Ammonitica regione, Rhaphana in Chalcide, vel ut ait Ptolemæus, in Cassiotide, reliquæ omnes Judæorum sunt urbes, sed ferè Trans-Jordaninæ omnes, excepta Scythopoli. Ego quid in hac re definiam non habeo, nisi quod Decapoleos nomine maximè videatur comprehensa regio, quæ erat juxta mare Galilææ, & Jordanem minorem, sive citra, sive trans hæc sita. Item quod Adrichomius hanc regionem nimis videatur extendere, præsertim ad Occidentem Sidonem usque: quomodo enim aliàs Marci 7. diceretur Christus exisse de finibus Tyri, venisseque per Sidonem ad mare Galilææ inter medios fines Decapoleos, si jam antè in finibus Tyri & Sidonis existens erat intra ipsos fines Decapoleos? iste enim loquendi modus Euangelistæ satis indicat debuisse Christum finibus Tyri & Sidonis egredi ut veniret in fines Decapoleos. Quod ad Plinium attinet, vereor ne Decapolim nimis procul ad Septentrionem extendat, in eaque quatuor illæ extra Israëlitarum fines positæ urbes Decapoli non debuerint comprehendi. BONFRERIUS.

1. Ego nullam Dedan invenio in tribu Juda, ne in versione quidem Septuaginta Interpretum: crediderim hic suppositum Dedan pro Delean, quæ est urbs in tribu Juda, Jos. 15. v. 38. IDEM.

2. De hac nos diximus supra in Dadan. IDEM.

3. Ubi hanc vocem usurpaverint Septuaginta Interpretes non statim occurrit: sed neque ulla est vox Hebræica Deseth, nedum quæ parietem vel murum significet, ut proinde vocem hanc corruptam esse necesse sit. Itaque conjectabam alicubi in Hebræo scriptum fuisse דֶּלֶת Deleth, quam vocem alicubi Interpretes Septuaginta retinuerint: ea tamen non parietem vel murum, sed ostium in muro vel pariete significat. At postea casu in ipsam vocem Deseth apud Interpretes Septuaginta incurri, Isaiæ 16. v. 7. ubi pro eo quod in versione nostra habemus: qui letantur super muros cocti lateris; Septuaginta Interpretes habent, κατοικοῦσι δεσέθ, habitantibus Deseth, idque in omnibus Codicibus, nisi quod perperam Regius Codex divisâ voce habeat δὲ δεθ, quasi Seth urbis nomen sit, non Deseth. In Hebræo autem ibi neque Deseth, neque Deleth habetur, sed חֲרֶשֶׁת Chareseth, vel alterâ voce præpositâ, quæ murum significat קִיר Kirchareseth, quam Rabbi David, alique non pauci censent urbis proprium nomen esse apud Moabitas; faveretque haud dubiè versio Septuaginta Interpretum, nisi quod hi pro חֲרֶשֶׁת Chareseth mutatis duobus primis elementis videantur legisse חֲדַשֶׁת haddeseth, ut Deseth urbis proprium nomen sit, quæ

vox tamen appellativè nihil significet, quod apud Hebræos rarum est: at Kirchareseth significat murum fictilem seu lateritium. IDEM.

4. De ea dictum est in Debon. IDEM.

5. De hac habes Jos. 15. v. 22. IDEM.

6. Hujus apud Interpretes Septuaginta fit mentio, Ezech. 30. v. 14, 16. ubi in Hebræo est מִן מוֹ, pro quo Hieronymus semper Alexandriam reddit. Sed neque Interpretes Septuaginta constanter Diospolim reddunt: nam eodem Cap. v. 15. eandem vocem Hebræam Memphim vertunt. Est tamen & urbs in Ægypto dicta Diospolis Straboni Lib. 17. imò & Plinio urbs illustris Lib. 5. Cap. 9. Diospolis, inquit, magna, eadem Thebæ portarum centum nobilis fama. Est & apud Plinium ejusdem capitis initio, & Ptolemæum Diospolites nomus, seu præfectura in Ægypto. Est & alia Diospolis non in Scriptura, sed apud Hieronymum hic in locis Hebr. quæ eadem cum Lydda, de qua nos dicemus in Lydda. IDEM.

7. Aliquot locis, in quibus versio nostra habet, in campetribus Moab, Septuaginta Interpretes habent ἐν δυσμῶν Μωάβ, ad Occidentem Moab, ut Num. 22. v. 1. & Cap. 33. v. 48. & Cap. 35. v. 1. & Cap. 36. v. 13. aliàs servatâ voce Hebræa habent Araboth Moab; significat enim עֲרָבוֹת araba, & plurali עֲרָבוֹת araboth loca campetria seu solitudines, vel Occidentem: unum secutus est Hieronymus, alterum Septuaginta Interpretes; & verò eidem loco utrumque competere potuit, ut videlicet simul incultus esset & infœcundus, itemque ad Occidentem, seu pars maximè Occidentalis regionis Moab; planèque mihi persuasum est ita se rem hic habere; quamquam versio nostra paulò sit commodior. Porro nulla Latina versio habet illud Dismemoab, sed è Græco id sumptum est ab Eusebio; nec Dismemoab scribi debuit, sed Dysme Moab δυσμῶν Μωάβ, hoc est, Occidentalis plaga Moab. IDEM.

8. τῇ Φαναί Hieronymus à Metallofeno. Conjicit Martianus legendum Metallofano, ut ad vocem κατὰ τὰ χερσὶν. Legendum potius in Græco τῇ Φαναί, & in Latino, Metallo Pheno sejunctim. Nam Metallum hic non massam æris, sed fodinam Phanonis significat. Variè tamen scribitur à Patribus hoc nomen, ut observavit Bochartus, loco antea laudato. CLERICUS.

9. πόλις Αἰγύπτου Multis firmis argumentis ostendit esse Thebas Ægyptias Bochartus Phalegi Lib. iv. c. 27. IDEM.